

تاریخ عثمانی انجمنی
کانون اول
۱۳۳۰

پنجی سنہ
نومبر ۲۹

مجموعہ سی

بروسهده الك اسكى كتابه

بروسهده حصار ايجنده « شهادت جامى » ناميله معروف مسجد
ميفك يان قبورينك برى اوزرنده بروسهده الك اسكى كتابه نى
بولنقده در . يدى بوز اوتوز سكر سه سنده حك ايدلش اولان بوكتابه
بسمه ايله سورة اخلاصى و عبارات آتیه بي محتويدر :
اورتهده :

بسم الله الرحمن الرحيم
قل هو الله احد الله الصمد
لم يلد ولم يولد ولم يكن له كفوا احد
فى تاريخ سنة ثمان وثلثين وسبعمائه

بو درت سطر بر مستطيل ايجنده اولوب سطر لر برر چيزكى ايله
تفريق ايدلشدر . بو مستطيلك درت جهتنده :
الهم اغفر لصاحب هذا المسجد وهو الامير الكبير المعظم المجاهد
سلطان الفزاة غازى بن الغازى شجاع الدنيا والدين | الافاق بهادر زمان
اورخان بن عثمان ادام الله | تم مسجد المبارك لرضاء الله تعالى من بنى
مسجداً لله (بنى الله بيتاً) فى الجنة | عباراتى موجوددر .
(بنى الله بيتاً) قرائتى شبه ليدر .

شهادت جامى خداوندكار سلطان مراد خان اول طرفندن انشا
ايتديرلش اولغله بوكتابه شهادت جامهك كتابه سى دكلدر .

بروسهده مسموعم اولان روايته كوره نافعه ناظرى ايكن
ارتحال ايدن محمود جلال الدين پاشانك خداوندكار ولايتى واليكنده
بولوندينى اثناده شهادت جامى تعمير اولونور ايكن بوكتابه طاشى

راست كله بولونمش وتبركا شمديكى يرينه قونولسى تنيب ايدلمشدر .
 زعم عاجزى به كوره بوكتابه سلطان اورخان غازى جامنك كتابه سيدر .
 بوجامع شريفك قرمان اوغلى محمد بك طرفندن يا قلماسنى متعاقب
 ضياعدن صيانة حصاره نقل ايدلمش اولماسى احتمال قوى ايله محتمل
 بولونان بوكتابه نعلسه اونودلمش قالمش وسنين اخيره ده وشهادت جامنك
 تعميرى صيره سنده تصادفاً ميدان چيقماق له تبركا بورايه قونولمشدر .
 اليوم سلطان اورخان غازى جامى قوسى اوزرنده كى كتابه شودر:

امر هذه المارة الشريفة

سلطان الغزاة والمجاهدين اورخان بك بن
 عثمان بك طاب ثراها فى سنة اربعين وسبعمائى وحرقت ولد
 قرمان ثم امر الناظر وهو الوزير الاكبر بايزيد پاشا باشارة
 السلطان بن السلطان سلطان محمد بن بايزيد خان خلد سلطانه فى سنة عشرين وثمانمائى

ايكى كتابه تاريخى آره سنده فرق موجود بولونماسى زعم حاجزينك
 ياكلش اولماسه محل ويرمكده ايسه ده سلطان اورخان غازينك بروسه ده
 برايكنجى جامى بولوندينى معلوم اولمادىضدن ايكنجى كتابه ده سهواً
 ۷۳۸ سنهسى يرينه ۷۴۰ تاريخى حك ايتديرلمش اولماسى وارد خاطر
 اولماقده در . هر حاله بو ايكى كتابه تاريخ عثمانجه مهمدر . برنجيسنده
 مندوج امير كبير يرينه ايكنجيسنده اورخان دن صوكره بك يازلمشدر .
 سلطان اورخان غازى اختيارالدين [۱] عنوانيله مشهور ايكن بوراده

[۱] ابن بطوطه سياحنامه سنده بروسه دن بحث ايدركن « وسلطانها
 اختيارالدين ارخان بك (وارخان بضم الهزء وحاء معجم) » ديمكده در .
 كتاب رحلة ابن بطوطه جلد اول صحيفه ۲۳۳ مصرطبى ، سنه ۱۳۲۲

شجاع‌الدین عنوانیله تجیل ایدلمکده در . هرا یکی کتابده سلطان‌الغزاة نام با احترامی ایله توصیف ایدلمکده در .

ایکنجی کتابده محرر « ولد قرمان » دن مراد قرمان اوغلی محمد بك در . شرف‌الدین علی یزدی نك تیمورنامه‌سندده یازلدینی وجهله محمد بك اون ایکی سنه بروسه حصارنده محبوس قالدقندن صوکره بروسه نك تیمورلنك طرفندن حین استیلاسنده تیمورك حضورینه کتیرلمش و خلعت کیدیریلهرك و کمر و یریلهرك توقیر اولونوب ولایت قرمان تماماً قونیه و آق‌سرای و انطالیه توابع ولوا حتی ایله اكا بخش ایدلدیکی مثللو اقسهرده بونلره علاوه اولونمش ایدی . [۱]

یلدیرم سلطان بایزیدخان شهزاده لرینک بربرلرینه دوشمه‌سندن استفاده ایدن قرمان اوغلی بروسه‌یه قدرککش و حصاری محاصره ایش ایدی . حاجی عوض پاشانک غیرت و همتی ایله حصاری ضبط ایدمه‌مش و موسی چلینک جنازه‌سی ورود ایتمکله شهری یاقوب دفع اولوب کیتمشدر . ۸۱۶ بواشاده سلطان اورخان جامع شریفی‌ده محترق اولمش ایدی . درت سنه صوکره یعنی ۸۲۰ سنه‌سندده بایزید پاشانک همتیله تعمیر ایدیلهرك ایکنجی کتابه وضع ایدلشددر .

احمد توحید

[۱] امیر محمد پسر قرمان که ازدوازه ساله‌باز در بند ایلدرم (یلدیرم) بایزید مقید بود بدرگاه صاحب قران مؤید (تیمورلنک) آوردند و صراحم پادشاهانه اورا ملحوظ نظر عنایة کردانیده بخلعت و کمر کرائی و موقر ساخت . و تمام ولایت قرمان از قونیه و آق‌سرای و انطاریه (انطالیه) با توابع ولواحق باوداد و آق‌شهر نیز باو ارزانی داشت .

تیمورنامه شرف‌الدین علی یزدی ایاصوفیه کتبخانه‌سندده ۳۰۳۱ نوسروده